

Sistem pelajaran agama sekolah2 Malaysia dikaji

BH 1 OKT 1974
LONDON, Rabu

Menteri Pelajaran, Dr. Mahathir, berkata malam tadi Kementeriaannya telah menubuhkan sebuah jawatankuasa untuk mengkaji sistem pelajaran agama di sekolah-sekolah Malaysia.

ia bercakap dalam satu majlis dialog di Malaysia Hall dihadiri oleh kira-kira 200 pelajar Malay-

Dari SHUKUR
RAHMAN

sia. Juga hadir ialah Pengerah Jabatan Pelajar Malaysia, Encik Baharin Hussain, dan Timbalan Pengerah, Encik Eric Yeoh.

"Kami dapati pada masa lalu sistem memberi pelajaran agama tidak berkesan dan tidak sesuai. Adalah diharap-

kan itu akan dapat menarik perhatian yang lebih kepada pelajaran itu," kata Dr. Mahathir.

"Dasar Kerajaan ialah menggalakkan kepercayaan kepada agama. Kami tidak percaya paksaan akan mencapai tujuannya tetapi sebaliknya akan mendatangkan reaksi yang berlawanan."

Dr. Mahathir mengemukakan beberapa pemimpin pelajar yang katanya telah pergi ke Bangkok "untuk mempelajari bagaimana hendak menjatuhkan kerajaan."

"Ketua-ketua ini sedang menggunakan pelajar-pelajar lain untuk kepentingan mereka sendiri. Jika kuasa boleh 'korapkan' tokoh politik,

ia juga boleh 'korapkan' pelajar.

"Ramai pemimpin kita telah muncul semenjak tahun 1955 dan menyertai empat pilihanraya. Jika mereka lalai, adakah mereka akan dipilih semula?" ia bertanya.

Tak nampak

"Bukanlah orang-orang bandar yang memikirkan mengenai pembangunan luarbandar. Jika Tun tidak mementingkan rakyat, ia tentu tidak nampak begitu tua hari ini."

Menteri itu mengaku rasuah ada berlaku dalam setengah-setengah jabatan Kerajaan.

"Bila kita tidak boleh dapat bukti yang mencukupi untuk membawa mereka ke mahkamah, kita masih mengambil tindakan jabatan," katanya.

Dr. Mahathir menasihatkan pelajar-pelajar itu jangan terpengaruh oleh aliran-aliran tidak sihat di Barat sekarang. "Tirulah kepandaian dan pengetahuan mereka tetapi jangan tiru mogok, pergaulan terlalu bebas dan kerja tak sungguh hati mereka," katanya.